

IN MEMORIAM
PROF. DR BOŽIDAR STAVRIĆ
(1939 – 2021)



U petak, 12. marta, 2021. godine, zauvijek nas je napustio nekadašnji sugrađanin, naš Brčak, prof. dr Božidar Stavrić. Za one koji su ga voljeli, bio je to “naš Braco”.

Prof. Stavrić, je rođen 6. januara 1939. godine u Tuzli. Osnovnu školu i gimnaziju završio je u Brčkom. Školske 1957/58. godine upisao se na Ekonomski fakultet u Beogradu, na kome je i diplomirao. Magistrirao je 1970. godine na Ekonomskom fakultetu u Subotici, a doktorirao u junu 1978. godine.

Godine 1961. počeo je da predaje u srednjim stručnim školama u Brčkom ekonomsku grupu predmeta, 1965. se uključuje u nastavu i na Višoj ekonomsko-komercijalnoj školi, a 1969. prelazi na rad u Industrijsku klaonicu i hladnjaču u Brčkom. U januaru 1972. godine zasniva stalni radni odnos na Višoj ekonomsko-komercijalnoj školi u Brčkom u svojstvu profesora više škole. U junu 1973. godine izabran je za zamjenika direktora Škole i na toj dužnosti ostaje do prelaska na Tehnološko-metalurški fakultet u Beogradu, 1. aprila 1974. godine, gdje je izabran za asistenta. Iste godine izabran je za docenta u dopunskom radnom odnosu na Ekonomskom fakultetu Brčko.

Za docenta na Tehnološko-metalurškog fakulteta je biran krajem 1978. godine, za vanrednog profesora 1984., a 1989. godine izabran je za redovnog profesora Univerziteta u Beogradu.

Profesor Stavrić je učestvovao u nastavnom procesu na više nastavnih predmeta iz oblasti ekonomike, organizacije i menadžmenta, na redovnim i poslijediplomskim studijama, i na Ekonomskom fakultetu u Banjoj Luci, Ekonomskom fakultetu Pale i na Fakultetu poslovne ekonomije Bijeljina.

Objavio je četrdesetak knjiga i udžbenika, osamdesetak naučnih i stručnih radova i četrdesetak studija i projekata na kojima je bio rukovodilac ili član redaktorskog tima.

Ostaće zabilježen po predanom radu u oblasti nastavnog i naučno-istraživačkog rada, prvenstveno na istraživanju novih modela organizacije preduzeća i unapređenja ekonomike poslovanja. Bio je mentor velikom broju kandidata za izradu magistarskih radova i doktorskih disertacija, kako u Srbiji, tako i u Bosni i Hercegovini. Energijom koju je nosio i kojom je zračio, bio je uzor i podstrek mnogim njegovim studentima, saradnicima i budućim naučnim radnicima.

Profesor Stavrić je uvijek s ponosom govorio o svom porijeklu, o svom odrastanju i školovanju u Brčkom, kao i o prvim iskustvima koja je stekao u privredi i u nastavnom procesu na Višoj ekonomsko-komercijalnoj školi i na Ekonomskom fakultetu Brčko.

Neka mu je vječna slava i hvala za sve što je uradio za naše Brčko i za naš Ekonomski fakultet.

Studenti, nastavnici i osoblje Ekonomskog fakulteta Brčko.